



05805

砲警

捲地奔雷響徹天危城氣勢觸蠻烟從教掩耳偷
餘息鼠穴驚魂已兩年

簫篴

城上鳴嗚畫角聲秋殘春老總傷情千家按籍丁
男數一月三廻聽點兵

鞀鼓

馬上萋萋道路悲禡襜拂袖助鏡吹商聲奏入軍
中樂只合漁陽奮幾槌

茄吹

范忠貞公文集卷四 百苦吟

圭

蘆管吹來日氣寒邊軍回首望長安海邦也爲防
邊設地北天南恨一般

吏稽

小吏停軒罪籍呈乾坤無罪此身輕令嚴日日來
稽察認作秋闈夜唱名

卒穉

木客山魘結一羣經年耳目鬼紛紜圖將五嶽誰
攜佩白澤空中自護君

晝詰

狴犴黑霧罩通衢多少行人悲向隅念舊小奚來

訊主毒拳批頰血糝糊

夜查

傍晚催人鎖鑰間琅琅震耳套連環龍鍾不似神
蛟怒空費婆心鐵樹關

值班

一波一浪送危帆閱盡潮頭踞石巖變態咆哮千
百種直如燕子語呢喃

交更

暮鼓晨梆日夜嘈挨時記刻較分毫關情不似巡
更雁漏盡鐘鳴枉自勞

臭蟲

破柱頹垣黑夜游蘭襟臭味不相投圓圓赤暈浮
如粟噬盡頑肌當石頭

蟣蟲

王猛雄談定霸圖懷中捫出只些須誰教肉相非
王佐但合供他飽餓夫

飛蠅

子耳常苦
夜蠅飛入

讒言罔極怪青蠅蒙垢生平觸類憎充耳至今聽
否慣飛來飛去有何能

遊鼠

鼠曾咬
子足指

陰房日夜走鸞鷲糞土牀前傾食盂茶味不堪供
大嚼致教蹂踐到寒軀

聚蚊

炎鄉瘴海聚成雷毒口趨時撲又來巾幘鬚眉筋
尚露丈夫體勁不須哀

鬼啾

盡道陰房鬼火森啾啾叫徹五更心欲求雪痛招
魂賦我正羈囚痛更深

疫癘

錯亂陰陽氣候垂網羅百口似枯荻霜飛六月知

范忠貞公文集卷四

百苦吟

主

天意傳染如何雪上埋

碎衣

子鄉有貴人哀
而餽衣峻拒之

衣裳薜荔未爲貧百結懸鶉耐幾春磨盡生平窮
骨健傲他裘馬少年人

破被

買就零星敗絮來遮身此夜凍初回黑酣鄉裏還
家夢不信天涯作死灰

砂鍋

甌破何勞顧盼爲搏泥鑽火亦成炊庖犧五味從
中別甘苦心脾只自知

泥爐

焚檀灸桂夢徒然
蕪盡寒灰楮袖烟
七十老翁愁足冷
三冬夜夜傍他眠

瓦盆

孟水盤飧野老風
蘼鹽啖盡有時空
雖然易破猶能買
留作堯衢鼓缶翁

草褥

肌骨相侵冰鐵痕
芙蓉溫軟不須論
印沙彷彿啣蘆雁
偃藉郊原草幾根

敝履

范忠貞公文集卷四 百苦吟

三

國步艱難烽火驕
三千里外寄踪遙
芒鞋踏破園扉窟
畫地空思圮上橋

木枕

削木如拳臥不安
驚心何夢到邯鄲
曲肱雖是儒風味
拋却南牕此地難

蔑筐

蟻攢鼠耗攪塵羹
食息需人日掃清
賴得竹蘿容納遍
行廚只此挈提輕

竹刀

減鏘銷烽傳檄嚴
手無寸鐵試蘘鹽
雖然浪擲庖

丁手抹煞鉛刀削竹籤

草珠

山妻囑付早潛修一串牟尼臂上留亂裏衣珠拋
失去菩提草粒費搜求

油篔

團扇流螢撲幾星冰肌無汗舊園亭年來溽暑蒸
人劇一握芭蕉手未經

惡紙

萬緒千愁訴不成傳心端藉褚先生裁箋零落無
雲母刻劃篇章消幾籬

臭墨

殘瀋如雲碧作藍鮑魚過肆味中含松烟半鋌能
多許薰透文心命不甘

敗筆

管城觸處破愁城吐墨吞毫百萬兵掃盡鋒芒猶
勝劔誅心斧鉞掌中擎

磚硯

端溪鸚鵡眼朦朧信手磨磚骨易鎔莫謂此田耕
不得秋成應報舊山農

殘書

予過嶺時有書一擔今盡失之擾攘中矣
童子偶於故處拾得數本如見故物爲之
然妻

斷簡殘編走蠹魚零星收得當奇書可憐廿載抄
千帙半付家藏半亂餘

炭痕

得信何嘗不淚垂更兼手漬淚中揮倩人墨婦勞
多少清白流傳幾首詩

塵灰

臘月鄉風盡掃塵懸竿縛帚屋梁新兩年度歲塵
依舊不見磨光刮垢人

烟眯

丈地泥爐處處燃霧中七里欲遮天炫人五色元
黃戰只道山柴數縷烟

乞水

汲綆求人渴欲烹輓轆金井遠無聲問予家在名
泉邑何事虛拋抱甕情

覓火

雪浪銀濤邊海城炎炎赤地祖龍坑此間偏乏桑
榆火借取鄰烟煮菜羹

摘菜

剔盡根鬚洗盡泥着來鹽味便成齏飢腸藜藿都
相習心手艱勞不用提

執爨

析薪炊火度時艱童子呼來鈍且頑不若親身猶
省力寒暄冷暖各相關

食淡

海國煎沙價萬尋持籌恨不變黃金一文羞澁無
從買淡飯春來剩苦吟

縫綻

針線臨岐慈母心誰知破碎到於今未曾乞得天

孫巧偷學縫裳免捉襟

浣衣

垢膩成團濯者誰一身兼僕更何辭取生齷齪心
中少不藉除煩清淨池

滌器

潦倒慚無犢鼻褌飯餘滌器到墻根拋殘剩汁皆
愁味若有文君慘斷魂

粉粥

裹腹從軍諸葛糧難途春粉瘵飢腸依稀退院山
僧粥豆麥成糜木椀香

餽飯

義重難爲接浙行半盂土飯亦何爭嘗來氣味非
疇昔難買香從早稻生

柳茶

竹爐烟裏想山家蟹眼烹來穀雨芽一自掉船灘
溜外焙成柳葉當新茶

劣酒

盃中斷絕一年無病裏拘牽筋脉枯欲博微酣沽
市上酸漿羸得滿匏壺

缺藥

藥椀參苓夢亦虛買來都是草根餘先生莫道盧
扁手嘗煞神農味不如

書傭

翁啾婦啣作家書道是參軍飽蠹餘月月供他閒
紙筆平安兩字漫躊躇

醫匠

口傳病態索醫方虛實難憑氣脉詳總是活人心
術在暗中調劑答岐黃

蔽蒹

朔風暗襲土墻頭折葦牽蘿禦冷謀孺子柴門遮

片蓆不須更爲杞人憂

糞桶

黑漆先生桶破來何勞劈竹作胚胎祇緣要佐瓶
壘用肯逐人間廢棄材

糞草

掃來積垢又成堆總似閒愁撥不開惟羨焚香郭
有道清風過處少莓苔

穢廁

萬石家風滌廁勤顛危濁氣觸妖氛客卿奇辱身
投溷似此何妨捉鼻薰

溺器

交臂聯牀水火情撲人洩氣逼簷楹君非沛上真
龍種頭戴儒冠溺不成

惡夢

一枕荒唐意若何樵歌牧唱境蹉跎兒家穩踞風
波渡喚醒全憑春夢婆

元旦

天時人意想陽春剛到春來笑此身滿地烟塵昏
黑裏不堪重問歲華新

清明

昨日禁烟風雨聲今朝霽色屬清明南冠有客離
鄉井空憶家中插柳人

至日

鐵骨寒梅待雪開朔風六管正飛灰老親白髮雲
天外長憶兒曹去未回

除夜

慟哭誰憐阮籍窮空將壯志負桑蓬孤燈此夕更
籌永腸斷東風聽曉鴻

撫棺

百計偷生君未能我偏求死死何會君今先逝魂

歸國死後寒儒尚履冰

客俘

繫去牽來盡楚冠向隅飲泣各心酸其間獨有風

僧好笑把箇團福地安

時華林風
僧亦被繫

老親

斑衣辜負着囚衣白髮親恩報答微未敢許人身
固重孤臣寂寞忍言歸

昆弟

秣陵泛宅錫山家一本枝開棠棣花姜被寒溫誰
與共誤人多難滯天涯

憶內

抱犢田間夜辟蠶於陵偕隱吟征夫堂前怕說南
方事腸斷三年侍舅姑

思兒

夢到離家淚欲零大兒五歲次三齡解子手未停
批點曾學攜書到父庭

同宗

立命堂謂淑子兄心遠堂謂盤石先
伯子皆課業其中孝廉謂羽斯弟也

立命堂中督課嚴讀書心遠地沈潛清心南渡司
徒喬對策多奇愛孝廉

受業

銓部張鞠存夫子見子落拓吳門攜至
東溪令下惟數載耳提面命成就子學

范忠貞公文集卷四

百苦吟

招子琴劍別姑蘇恐類名場詩酒徒膏火幾年依
別業釣魚臺畔學爲儒

社會

培園謂張姑思雲子劉膚士諸子公路浦
謂盧春卿薄其南孫容斯諸子江左謂汪
惟夏吳何仲程虎文侶鮑諸子吳會謂蔣
曠生傳龍翰申詔生諸子梁溪謂嚴蓀友
秦樂天鄒立三
呂香令諸子

培園燈火浦雲淡江左垂髻便入林吳會羣英名
父著鴻谿獨繫野鷗心

感恩

白門太史程翼倉夫子出爲廣文時新安
富人以譜誼來介壽開筵觴之皆載紹衣

狐獨于單衫橫踞首席不勝其寒更酌犀
觥來勸子量窄故作豪飲狀嘔吐狼籍衆
客喧笑子瞑目大呼曰笑某吐酒則可笑
寒則不可夫子急呵止之親解重裘衣我
○肥水周夫子來爲廣文年已七十稔子
之窮招而同牀抵足置厨中待子下箸或偶
他出則持肉以食親置餼例有雜費始具
意時考較予不能措欲他避胥役恐首名不
牒上呈予不能措欲他避胥役恐首名不
補則悞其後補者羣而逼子周夫子以頭
觸諸胥開篋出十餘金付之始解夫子每
至夜披衣而起喚子談遇合之難輒爲予
淚下今兩夫子皆作古
人子無以報德悲夫

白門太史作文翁席上重裘解覆躬更有濂溪肥
水老知希爲我哭送窮

舊游

范忠貞公文集卷四 百苦吟

三

少時同羅周師讀書會稽之滄塘束髮知
心惟此一入羅子由中翰出爲佐郡子且
沈淪爲難入矣淑子兄司李溫陵爾遐兒
司李嚴陵子皆讀書于其署中故及之

巖壑逢迎到會稽
滄塘花竹最淒迷
溫陵烟雨巖
灘月到處張帆聽鳥啼

祭墩

頑然塊木本無靈
相伴文章奎壁星
謝爾忘懷從
不語一盃洒泣奠椒馨

告神

灑筆成文念頌高
獄中神主問臯陶
盛朝刑賞天
威在莫使看爲弁上髦

附刻王幼譽百苦吟和章

會稽王龍光著

自敘

予自癸丑孟冬之初發錢塘直抵三山其間山川闊歷氣候蕭疎騁懷極目間有題詠比入榕城而見時事日非心竊憂之不意甫及半載而變起倉卒同罹於難困苦無所不至丙辰暮春江左稽山農先生作苦詩百篇以記諸般惡趣同難能任林先生天成沈先生與予依韻而和以共抒胸中之憤抑他時或質諸親友傳之都市亦以見予輩之百折不磨其志節有如此者又或當痛定之餘披覽一過觸目警心萬念俱空殆業塵中之現相亦毒火內之涼藥也耶溪老人識

颶風

澤國秋高信海風年年飄忽吐龍宮風神若肯相廻護何不憑虛到越中

瘴雨

淋霖雨勢毒傾盆涼氣無多熱氣存布被一牀霉爛盡謾勞東閣報公孫

積潦

山城土竈滿蒿萊魚鱉經遊草樹堆莫歎南天多
瘴癘江河日下盡堪哀

炎蒸

揮汗成漿三伏期陰房偏受熱風吹如爐長日從
銷鑠一片冰心覺自宜

凍雪

滕六天南說禍胎連年飄散浪疑猜信如今日多
爭戰骸骨成丘白作堆

連陰

白日經旬長自扃擡頭不放曉天青如何一破重
圍怨海國全消毒霧冥

霉濕

梅雨三山瘴霧天陰晴氣候苦相連爛衣一束供
高枕淚落殘更透破氊

泥濘

着屐東山座上紅游踪今試雨泥中喜來屐齒何
妨折雙足強爲亡是公

昏黑

夜偏油火晝偏昏毒霧淒淒斷客魂拚死十分生

一線料同諺語食河豚

昧旦

中宵無寐枕空安
輾轉單衾歸夢難
唱徹雞聲天欲曙
曉星落落望更殘

瞭燈

明滅寒檠影半黃
五更吹焰照顏牆
獨憐短夜無歸夢
拭盡啼痕天未光

屋漏

沈沈秋夜雨長懸
濕盡衣單和淚穿
暗室鑒臨形影對
儘教點滴到牀邊

席地

賓主塵蒙驟斷魂
滿腔悲憤土泥溫
誰云正氣堪埋滅
徹夜雷霆天意存

負暄

當年就業水雲莊
今作羈囚閩嶺長
歷盡三冬寒徹骨
自教含淚向曦陽

早澡

一杯濁水卽爲盆
手力無多垢尚昏
惟有成湯解此意
須教日日洗心魂

蓬首

老去空驚兩鬢絲
蕭蕭對鏡漫披離
婆娑猶足高千丈
長歎中宵恨自知

垢面

消盡儀容老未還
愁塵萬斛障顏顏
憑教洗出來時面
笑破清光天地間

學手

弱管揮戈事事工
鞭雲指日笑談中
直教握定擎天手
暫做旁觀兩袖籠

繫足

踏盡冰霜歎歲寒
邯鄲學步路偏難
名駒一息堪

千里束縛今同凡馬看

拘項

連環滾鎖欲何憑
引領青天骨自稜
此法豈爲吾輩設
書生強項斷長繩

枯腸

筆硯拋殘已數年
青緗圖史委烽烟
寒儒雖在書遭劫
藉有同心叩腹便

淚眼

難裏相憐淚未乾
老來無淚但心酸
園扉一入同盆覆
常把青天仔細看

聞柝

關吏巡行夜聚牌柳鑼斷續亂長街愁中但覺聲
凄絕總向風波聞客懷

聽砧

艱難何處寄征衣未曉家山信是非留得天涯秋
意苦數聲刀尺萬家機

鄰哭

閩海心傷刀戟場家啼巷哭盡離亡填身溝壑埋
無土何用招魂向北邙

風鶴

道德驚傳鬪力微依形竊響是還非先聲草木皆
行陣何不前途早見機

砲警

萬火鳴雷聲徹天驚聞消息走狼烟海邦莫道無
防禦刮地煎砂已數年

簪葉

腸斷寒宵角數聲天涯淒切倍關情此身不是防
邊客莫認羈囚當角兵

鼙鼓

路鼓喧聞動客悲妖聲相隔暮風吹他時若駕歸

舟急搖曳中流弄幾樵

笳吹

淒絕中宵客淚寒傷心笳管夢難安
征人莫作回頭望南北相思苦萬般

吏稽

難裏羞將面目呈福堂苦盡羽毛輕
吏人不用多稽察青史將來識姓名

卒獍

鬼物三年迭作羣畫圖水陸日紛紜
他時若現輪迴相只恐閻浮我是君

晝詰

紛紛邏卒守街衢老廢無聊泣向隅
舊僕門邊供菜食傷心淚眼看模糊

夜查

猙獰燃火到牀間呌應分明上鐵環
吾輩不爲無義漢儘教狼籍鬼門關

值班

何事同舟趁逆帆往來相對鬼巉巖
朝眠暮起多拘束獸語禽聲口自喃

交更

蠻音攪耳夜齟齬情面無從假半毫捱得愁中更
漏慣犬鳴雞唱笑徒勞

臭蟲

引類潛身浪蕩遊尋香逐臭雜相投已教吸盡人
膏血不放餘情到白頭

蟣

捫蝨青山樂可圖談兵定霸亦相須當年壯略推
王猛蠶食今知飽病夫

飛蠅

舊聞沈獄雪飛蠅今見蠅飛倍可憎莫道秋風吹

不到腥膻相逐逞何能

遊鼠

唧唧啼飢竄黠艱蠢蠶鹽淡薄罄盤盂誰教白晝爭
人食搗穴難存社屋軀

聚蚊

湖傍秦郵草聚雷露筋曾拜廟容來難中莫說今
偏苦耳畔聲聲似訴哀

鬼啾

鬼作嚶啼夜氣森難中猶現宰官心蓮花法裏容
超劫不怕沈寃萬丈深

疫癘

災氣流行天意乖形如土木命如茲何當請出醫
王手莫學劉伶死後埋

碎衣

無分繁華原憲貧身僵半褐幾冬春形骸粗足供
顛沛莫問悠悠衣我人

破被

炎方一雨便秋來敗絮蒙茸煖氣回羨却五更清
夢裡還家更熱獸爐灰

砂鍋

鑽燧燃薪勉可爲晨昏餽粥壁煙炊泥砂亦有調

羹用委棄人前總莫知

泥爐

老來事事想安然搗土爲爐熱作烟被底不愁魂
未貼長宵抵足任高眠

瓦盆

泥缶聊存古朴風殘湯冷飯幾曾空有時擊得鳴
鳴響驚起同牀磕睡翁

草褥

肌膚皺疊浪爲痕藉草爲茵事可論冷煖不知人

老去飄零一似蔓無根

敝履

兩足龍鍾力不矯雙鳧家製着來遙多情東郭還
相愛送與先生踏灞橋

木枕

一枕羲皇不可安昏昏何日醒邯鄲夜眠莫作繁
華想於我浮雲世路難

篋筐

食物無餘饒菜羹紛紜雜貯未能清此筐聊且充
香積方便兒童荷擔輕

竹刀

寸鐵難持聲息嚴庖童剖竹製魚鹽叮嚀留與歸
途用當作牙檣驛路籤

草珠

維摩方丈昔藏修遠到三山苦滯留何用牟尼珠
百粒菩提方寸內堪求

油篋

燈烟土竈爛如星六月朝昏坐火亭聊藉清涼驅
溽氣蠅蚊一一手能經

惡紙

著書憂憤事難成，欲寫窮愁更生何日雲烟供。
一掃桑皮剪破兩三籬。

臭墨

隃麋研透色青藍，膠味薰蒸油氣含。怕向故人酬
白雪烟煤紙上恐難甘。

敗筆

羊毛一束價連城，信手聊成泣鬼兵。拈得新詩同
史讀也知直道腕中擎。

磚硯

瓦胚作硯墨朦朧，烟霧和來泥土鎔。鐵石磨穿爲

范忠貞公文集卷四 百苦吟

異

罪業悔教銅雀代耕農

殘書

竹笈藤箱走蠹魚，風塵千里爛圖書。縱教攫去成
何用覆甕無多灰燼餘。

炭痕

灰踪煇跡血絲垂，珠玉龍蛇和淚揮。親手投來同
拜讀，雷風震疊數行詩。

塵灰

三年怨恨積生塵，說與誰行整頓。新污垢寧教都
掃盡，不將清白讓他人。

